

全唐詩目 第六函

第六冊

○ 張籍 五卷

全唐詩

張籍

五十二首
張籍字文昌蘇州吳人或曰和州烏江人貞元十五年
登進士第授太常寺太祝久之遷祕書郎韓愈薦爲國
子博士歷水部員外郎主客郎中當時有名士皆與游
而愈賢重之籍爲詩長于樂府多警句仕終國子司業
詩集七卷今編爲五卷

寄遠曲

美人來去春江暖江頭無人湘水滿浣沙石上水禽栖
江南路長春日短蘭舟桂楫常渡江無因重寄雙瓊瑤
行路難

湘東行人長歎息。十年離家歸未得。弊裘羸馬苦難行。
僮僕饑寒一作羸少筋力。君不見牀頭黃金盡。壯士無顏色。
龍蟠泥中未有雲。不能生彼升天翼。

征婦怨

九月匈奴殺邊將。漢軍全沒遼水上。萬里無人收白骨。
家家城下招魂葬。婦人依倚子與夫。同居貧賤心亦舒。
夫死戰場子在腹。妾身雖存如畫燭。

白紵一作苧歌

皎皎白紵一作苧白且鮮。將作春衣稱少年。裁縫長短不能
定。自持刀尺向姑前。復恐蘭膏汗。纖指常遣傍人收。墮
珥衣裳著時寒。食下還把玉鞭鞭白馬。

野老歌

一作山農詞

老農家貧在山住。耕種山田三四畝。苗疎稅多不得食。輸入官倉化爲土。歲暮鋤犁傍空室。呼兒登山收橡實。西江賈客珠百斛。船中養犬長食肉。

寄衣曲

織素縫衣獨苦辛。遠因回使寄征人。官家亦自寄衣去。貴從妾手著君身。高堂姑老無侍子。不得自到邊城裏。殷勤爲看初著時。征夫身上宜不宜。

送遠曲

戲馬臺南山簇簇。山邊飲酒歌別曲。行人醉後起登車。席上回尊勸僮僕。青天漫漫覆長路。遠遊無家安得住。

願君到處自題名他日知君從此去

築城詞一作曲

築城處一作去千人萬人齊把一作抱杵重重土堅試行一作用錐軍

吏執鞭催作運來時一年深磧裏盡著短衣渴無水力

盡不得拋一作休杵聲杵聲未盡一作定人皆死家家養男當門

戶今日作君城下一作上土

猛虎行

南山北山樹冥冥猛虎白日繞林一作村行向晚一作曉一身當

道食山一作此中麋鹿盡無聲年年養子在空一作深谷雌雄上

山一作下不相逐谷中近窟有山村一作林長向村家一作林取黃犢

五陵年少不敢射空來林下看行迹

別離曲

行人結束出門去。幾時更踏門前路。

二作馬蹄幾時踏門路

憶昔君

初納采時。不言身屬遼陽戍。早知今日當別離。成君家計良爲誰。男兒生身自有役。那得誤我少年時。不如逐君征戰死。誰能獨老空閨裏。

牧童詞

遠牧牛。遠村四面禾黍稠。陂中飢鳥啄牛背。令我不得戲壠頭。入陂草多牛散行。白犢時向蘆中鳴。隔堤吹葉應同伴。還鼓長鞭三四聲。牛牛食草莫相觸。官家截爾頭上角。

沙堤行。呈裴相公。

一作國一本無呈裴相公四字

長安大道沙爲堤。早風無塵雨。一作晚無泥。宮中玉漏下
三刻。朱衣導騎丞相來。路傍高樓息歌吹。千車不行行
者避。街官闔吏相傳呼。當前十一一作里。惟空衢。白麻詔下
移相印。新堤未成舊堤盡。

求仙行

漢皇欲作飛仙子。年年採藥東海裏。蓬萊無路海無邊。
方士舟中相枕死。招搖在天迴白日。甘泉玉樹無仙實。
九皇真人終不下。空向離宮祠太乙。丹田有氣凝素華。
君能保之昇絳霞。

古

一作寶

釵歎

古釵墮

一作墜

井無顏色。百尺泥中今復得。鳳凰宛轉有古

儀欲爲首飾不稱時。女伴傳看不知主。一作玉窗下羅袖拂拭
生光輝。蘭膏已盡股半折。雕文刻樣無年月。雖離井底
入匣中。不用還與墜時同。

各東西

一本此下有言字

遊人別一東復一西。出門相背兩不返。惟信車輪與馬
蹄。道路悠悠不知處。山高海闊誰辛苦。遠遊不定難寄
書。日日空尋別時語。浮雲上天雨墮地。暫時會合終離
異。我今與子非一身。安得死生不相棄。

節婦吟寄東平李司空師道

君知妾有夫。贈妾雙明珠。感君纏綿意。繫在紅羅襦。妾
家高樓連苑起。良人執戟明光裏。知君用心如日月。事

夫誓擬同生死還君明珠雙淚垂何不相逢未嫁時

讌客詞

上客不用顧金羈主人有酒君莫違請君看取園中花
地上漸多枝上稀山頭樹影不見石溪水無風應一作晚更
碧一作映天碧人人齊醉起舞時誰覺翻衣與倒幘明朝花盡
人已去此地獨來空繞樹

永嘉行

黃頭鮮卑入洛陽胡兒執戟升明堂晉家天子作降虜
公卿奔走如牛羊一作盡去紫陌旌旛暗相觸家家雞
犬驚上屋婦人出門隨亂兵夫死眼前不敢哭九州諸
侯自顧土無人領兵來護主北人避胡多在南南人至

今能晉誥

採蓮曲

秋江岸邊蓮子多。採蓮女兒凭一作並船歌。青房圓實齊戢戢。爭前競折漾微波。試牽綠莖下尋藕。斷處絲多刺傷手。白練束腰袖半卷。不插玉釵妝梳淺。船中未滿度前洲。借問阿誰家住遠。歸時共待暮潮上。自弄芙蓉還蕩漿。

傷歌行

元和中楊憑
貶臨賀尉

黃門詔下促收捕。京兆尹繫御史府。出門無復部曲隨。親戚相逢不容語。辭成謫尉南海州。受命不得須臾留。身著青衫騎惡馬。中一作東門之外一作東無送者。郵夫防吏急。

誼驅往往驚墮馬蹄下長安里中荒大宅朱門已除十
二戟高堂舞榭鎖管絃美人遙望西南天

○吳宮怨

吳宮四面秋江水江清露白芙蓉死吳王醉後欲更衣
座上美人嬌不起宮中千門復萬戶君恩反覆誰能數
君心與妾既不同徒向君前作歌舞茱萸滿宮紅實垂
秋風嫋嫋生飀枝姑蘇臺上夕燕罷佗人侍寢還獨歸
白日在天光在地君今那得長相棄

北邙行

一作白邙山

洛陽北門北邙道喪車磷磷入秋草車前齊唱薤露歌
高墳新起白茝茝朝朝暮暮人送葬洛陽城中人更多

千金立碑高百尺終作誰家柱下石山一作壠頭松柏半無
主地下白骨多於土寒食家家送紙錢烏鳶作窠銜上
樹人居朝市未解愁請君暫向北邙遊

關山月

秋月朗

一作明

朗關山上山中行人馬蹄響關山秋來雨雪

多行人見月唱邊歌海邊茫茫天氣白胡兒夜度黃龍

磧軍中探騎暮出城伏兵暗處低旌戟溪水一作沙磧連天霜

草平野駝尋水磧中鳴隴頭風急雁不下沙場苦戰多

流星可憐萬國一作里關山道年年戰骨多秋草

隴頭行

隴頭路

一作已

斷人不行胡騎夜一作已入涼州城漢兵處處格

鬪死一朝盡沒隴西地。驅我邊人胡中去。一作放散牛羊。
食禾黍。去年中國養子孫。今著氊裘學胡語。誰能更一作還
使李輕車收一作重取涼州入一作屬漢家。

楚妃歎一作怨

湘雲初起江沉沉。君王遙在雲夢林。江南雨多旌旗一作戟
暗。臺下朝朝春水深。章華殿前朝萬一作下國。君心獨自無
終極。楚兵滿地能一作兼逐禽。誰用一身騁筋力。西江若翻
雲夢中。麋鹿死盡應還宮。

春日行

春日融融池上暖。竹牙出土蘭心短。草堂晨起酒半醒。
家僮報我一本有後字園花一本有已字滿頭上。皮冠未曾整。直入花

聞不尋徑樹樹殷勤盡遠行攀枝未徧春日暝不用積
金著青天不用服藥求神仙但願園裏花長好一生飲
酒花前老

秋夜長

秋天如水夜未央天漢東西月色光愁人不寐畏枕席
暗蠶唧唧一作躑躅遶我傍荒城爲村無更聲起看北斗天未
明白露滿田風嫋嫋千聲萬聲鵓鳥鳴

白鼉鳴

天欲雨有東風南谿白鼉鳴窟中六月人家井無水夜
聞鼉聲人盡起

洛陽行

洛陽宮闕當中州城上戕戕十二樓翠華西去幾時返
梟一作鳴巢乳鳥藏蟄鷺御門空鎖五十年稅彼農夫修玉
殿六街朝暮鼓鼙禁兵持戟守空宮日月拜章
表驛使相續長安道上陽宮樹黃復綠野豺入苑食麋
鹿陌上老翁雙淚垂共說武皇巡幸時

春江曲

春江無雲

一作冰

潮水平

一作水平滿

蒲心出水

一作江北

鳬雛鳴長干

夫婿愛遠行自染春衣縫已成妾身生長金陵側去年
隨夫住江北春來未到父母家舟小風多渡不得欲辭
舅姑先問人私向江頭祭水神

送遠曲

吳門向西流水長，水長柳暗煙茫茫。
行人送客各惆悵，話離敘別傾清觴。
吟絲竹，鳴笙簧，酒酣性逸歌猖狂。
行人告我挂帆去，此去何時返故鄉。
殷勤振衣兩相囑，世事近來還淺促。
願君看取吳門山，帶雪經春依舊綠。
行人行處求知親，送君去去徒酸辛。

塞下曲

邊州八月修城堡，候騎先燒磧中草。
胡風吹沙度隴飛，隴頭林木無北枝。
將軍閱兵青塞下，鳴鼓逢逢^{一作襲襲}促獵。
天寒山路石断裂，白日不銷帳上雪。
烏孫國亂多降^{一作}，
胡詔使名王持漢節。
年年征戰不得閑，邊人殺盡唯空^{一作}。